

DŽAMIJSKI KUĆNI RED

Polazeći od odredbe Kur'ana časnoga u kome stoji:

„Za one koji uzimaju džamiju kao mjesto gdje se pravi šteta, širi nevjera i potiče razdor među vjernicima i na taj način sokole one koji se protive Allahu i Njegovom Poslaniku, zaklinjući se: „Mi želimo samo dobro“, Bog je svjedok da su oni lašci.“ (9:107)

i hadisa Allahovog poslanika Muhammeda, 'alejhi-s-selam, u kojem je rekao:

„Neke stvari se ne smiju činiti u džamiji, a to su: Ne smije se kroz džamiju praviti put, ne smije se u džamiji mahati oružjem, ne smije se u džamiji izvršavati krivična kazna, ne smije se u džamiji svetiti, i ne smije se od džamije praviti pijaca.“

a u skladu sa odredbama člana 4. i člana 8. Ustava Islamske zajednice u Bosni i Hercegovini i člana 11. Zakona o slobodi vjere i pravnom položaju crkava i vjerskih zajednica, Rijaset je donio slijedeću

ODLUKU

Član 1.

Ovom odlukom se propisuju pravila ponašanja u džamijama, mesdžidima i drugim vjerskim objektima, kao i način njihovog korištenja.


Odredbe ove odluke se odnose i na ponašanje u haremima vjerskih objekata i pratećim prostorima džamija i drugih vjerskih objekata.

Član 2.

Džamije, mesdžidi i drugi vjerski objekti su objekti u vlasništvu Islamske zajednice u Bosni i Hercegovini i njima upravlja islamska zajednica i njeni organi.

Član 3.

Džamije i mesdžidi su sigurno i slobodno mjesto za ibadet svakom muslimanu i muslimanki koji poštuju u njima propisani red.



بِسْمِ اللّٰهِ الرَّحْمٰنِ الرَّحِیْمِ
ISLAMSKA ZAJEDNICA BOŠNJAKA U ŠVEDSKOJ – IZBUŠ
BOSNIAKISKA ISLAMISKA FÖRSAMLING
BIF – HALMSTAD
DŽEMATSKI ODBOR

Član 4.

Imam džamije je domaćin džamije i niko bez njegovog znanja i dozvole nema pravo u dotičnoj džamiji predvoditi džemat u namazu, držati džumansku hutbu ili kakva druga predavanja, imamiti dženazu namaz, držati mektebsku nastavu ili obavljati i predvoditi u džamiji bilo šta drugo što predstavlja striktnu nadležnost imama džamije.

U džamijama bez stalnog imama, domaćin je lice koje odredi medžlis.

Član 5.

U tumačenju i izvršavanju ibadetskih islamskih dužnosti u džamijama, mesdžidima i drugim vjerskim objektima Islamske zajednice u Bosni i Hercegovini, primjenjuje se hanefijski mezheb.

Član 6.

Mutevelija – predsjednik džematskog odbora džamije je zadužen za održavanje džamije i niko nema pravo ništa raditi na džamiji bez njegovog znanja i dozvole.

Član 7.

Džamije i mesdžide otključava zaduženo lice u vrijeme koje mu odredi imam džamije i mesdžida, radi obavljanja namaza, i drugih organiziranih aktivnosti i zaključava nakon obavljenog namaza, odnosno završenog ibadeta ili drugih organiziranih aktivnosti, koje predvodi imam ili lice koje ovlasti imam ili nadležni medžlis islamske zajednice.

Tamo gdje okolnosti dopuštaju, posebno u gradskim džamijama, potrebno je obezbjediti uvjete prolaznicima za klanjanje namaza ostavljajući pristup sofama ili drugim prostorima.

Član 8.


U džamijama i vjerskim objektima mora se strogo voditi računa o čistoći i redu.

Nije dopušteno u džamiji spavati, objedovati, pušiti, organizirati bilo kakav vid sportske rekreacije ili činiti druge stvari koje su suprotne islamskoj tradiciji Bošnjaka.

Svi oglasi moraju biti objavljeni isključivo na oglasnoj tabli.

Zabranjeno je na džamijskim oglasnim tablama oglašavanje bilo kakvih aktivnosti mimo službenih aktivnosti IZ-e.

Zabranjeno je upotrebljavati džamijski razglas osim za oglašavanje namaskog vakta, učenja slavata i salle. Džamijski razglas treba koristiti na način da se upotrebljava umjerena jačina zvuka.



بِسْمِ اللَّهِ الرَّحْمَنِ الرَّحِيمِ
ISLAMSKA ZAJEDNICA BOŠNJAKA U ŠVEDSKOJ – IZBUŠ
BOSNIJAKISKA ISLAMISKA FÖRSAMLING
BIF – HALMSTAD
DŽEMATSKI ODBOR

Član 9.

Zabranjeno je unositi, držati, dijeliti, reklamirati ili provoditi bilo kakvu literaturu i propagandni materijal mimo zvaničnih izdanja Islamske zajednice ili onih koje odobri Rijaset Islamske zajednice.

Član 10.

Zabranjeno je postavljanje prodajnih štandova ili bilo kakvo trgovanje u džamijama i haremima, osim u organizaciji Islamske zajednice.

Član 11.

Za vrijeme vršenja vjerskih dužnosti ili druge organizirane aktivnosti nije dopuštena upotreba mobitela i drugog tehničkog sredstva kojim se može ometati vršenje tog vjerskog obreda ili aktivnosti. Zabranjen je i svaki drugi oblik ponašanja kojim se ometa izvršavanje vjerskih dužnosti.

Član 12.

Muslimani i muslimanke koji dolaze u džamiju radi obavljanja namaza ili drugog vjerskog obreda moraju biti odjeveni u skladu sa islamskim propisima.

Prilikom turističkih i drugih obilazaka džamija i mesdžida, ulazak u džamiju nije dopušten muškarcima sa šorcevima i ženama bez mahrame i ogrtača. U džamijama, haremima i drugim vjerskim objektima zabranjeno je prosjačenje.

Član 13.

Ova odluka je obavezujuća za sve koji u džamije, mesdžide i druge vjerske objekte dolaze u bilo kojem svojstvu.

Član 14.

Medžlisi Islamske zajednice su dužni da ovu odluku istaknu na prigodnom mjestu u svim džamijama i mesdžidima na svom području.

Član 15.

Za provođenje ove odluke zadužuju se imami i mutevelije – predsjednici džematskih odbora, džamija i mesdžida.



Reisu-l-ulema
Mustafa Cerić
Dr. Mustafa Cerić